



UNIVERSITÄTS-  
BIBLIOTHEK  
PADERBORN

## **Constitvtiones Societatis Iesv**

**Ignacio <de Loyola>**

**Romae, 1570**

De Loco, Tempore, & modo congregandi. Cap. V.

---

[urn:nbn:de:hbz:466:1-68489](https://nbn-resolving.org/urn:nbn:de:hbz:466:1-68489)

loco, quò conuenire oporteat, conuocare.

- 2 Quando non ad electionem Generalis congregatur Societas; in alijs euentibus Præpositus Generalis eam conuocabit; præter quàm in illis, qui in nona Parte exprimentur: & non congregabit frequenter Societatem, vt dictum est; nisi rerum agendarum necessitas vrgeret. Sed cùm generalis Congregatio ad electionem Præpositi cõuocata eum iam elegerit; deinde de rebus alijs grauioribus, quàm vt à Generali, & iis, qui cum ipso agunt, decidi debeat, tractari poterit.

## DE LOCO, TEMPORE, & modo congregandi.

### Cap. V.

- 1 **L**ocus, quò conueniet Societas ad Generalis electionem, videtur ordinariè curia summi Pontificis esse debere, ubi plurimum erit ipsius Generalis residentia: nisi Societas ex compolito conueniendum esse in alium locum, qui commodior omnibus futurus esset, statueret; ut siquis in confinio diuersarum Prouinciarum, in quibus manet Societas, esset constitutus; uel alius, qui magis accommodus uideretur. Si Præpositus Generalis est, qui Societatem ad alia negotia congregat; eius erit, eligere ac designare locum, quem in Domino aptiorem iudicauerit.

- 2 **S**patium temporis, quod cogendæ Societati tribuetur,

buetur, ubi de electione Generalis agendum est, quinque aut sex mensium erit, à tempore, quo litteræ, quæ de hac re commonefacient, scriptæ fuerint. Pro rogari tamen id tempus poterit, cum necessitas postulauerit. Cum uero alias ob causas fuerit congreganda, Generalis Præpositus pro suo arbitrato tempus designabit.

Modus in congreganda Societate seruandus hic 3  
erit; ut ille, cuius hoc est munus, confestim uariis  
uiis Prouinciales, & siqui ex Professis sigillatim con  
uocandi essent; adscripta (quantum sat esse ipsi ui  
debitur) causa, loco, & tempore conuentus habendi,  
certiores faciat; admonens quoque, ut ubique  
Missæ celebrentur, & orationes fiant pro fœlici Præ  
positi electione. Vnusquisque autem Prouincialium  
(si ipsi soli eligendi potestatem non habuerint) Pro  
fessos, qui in ipsius Prouincia uersantur, Rectores  
quoque, & locales Præpositos, qui uenire possint,  
conuocabit. Vbi uero ad Congregationem prouin  
ciale[m] conuenerint, qui commode potuerint, eliget  
pluribus suffragijs (Prouincialis sententia pro duo  
bus suffragijs numerata) eos, qui ad generalem Con  
gregationem uenient; qui esse ij debebunt, quos ma  
gis expediat Congregationi interesse, & quorum ab  
sentia minus detrimenti Prouinciæ sit allatura. Ipsi  
uero, quàm primum poterunt, ad constitutum lo  
cum, relictis in suis Prouinciis Vicariis, & rebus om  
nibus bene compositis, proficiscuntur.

Curabunt præterea Superiores, ut omnes, qui sub 4  
obedientia

obedientia Societatis viuunt, quotidie in orationibus & in Missarum sacrificijs plurimum Domino commendent eos, qui ad generalem Congregationem se conferunt; & simul, vt, quidquid in ea transigetur, ad maius obsequium, & laudem, & gloriam diuini nominis cedat.

DE MODO DELIBERATIONIS, cum de electione Generalis agitur. Cap. VI.

1 **S**I conuentus indictus est ad noui Præpositi, qui in demortui locum succedat, electionem; simul atque conuenerint, Vicarius Generalis quatuor dies ante Præpositi futuri electionem de eadem omnes alloquatur, horterurq; ad eam, prout ad maius Dei obsequium, & bonam Societatis gubernationem conuenit, faciendam: & præter hunc diem, tres sequentes habebunt, vt se Deo commendent, meliusque considerent, quisnam ex vniuersa Societate ad huiusmodi curam maximè idoneus sit futurus; informationem capientes ab eis qui eam benedare poterunt: donec tamen ingrediantur locum electionis, & in eum includantur, non desinant apud se, quem sint electuri.

2 Hoc medio tempore vnusquisque, sub pœna excommunicationis latæ sententiæ, teneatur Vicario manifestare, vel alicui ex antiquioribus Professis (qui cum Vicario conferet) si sciret aliquem hoc mû